

[fol. 139r]

Dan wirdt dem Kueffmaister Sebastian Kagerer von dem alten Gschier, wie es die Notturfft erfordert, abzubindten vnnd vnderm Iahr auszubessern yberhabts erstatt, so er auch lauth Scheins gleich fertten ~~erhebt~~ empfangen den 14ten May Anno 1692

45 fl. — —

Mehrgedachtem Kueffmaister ist auch fir neu-gemachtes Gschier, so man vnderm Jahr bedrifftig gewest, vnnd Preumaister ybernommen, Inhalt *specificirter* Zetl guethgemacht den 14. May Anno 1692

164 fl. — —

Ansonnsten ist ainem Kueffmaister zwar bei dem alhiesigen Kueffwerkh vor disem wegen Abbindung der Piervas vnnd Zueschlagung derselben, dan fir Raiff, so er vmb seinen Cossten trachten mues, von ieder Sud 1 fl. 30 kr. verraicht, volgents aber, weillen das Raiffwerkh, immerzue theurer wirdt vnnd gar hart mehr zubekommen, vf sein beschehen gehorsambistes Supplicirn vermög genedigisten

Huius 209 fl. — —

[fol. 139v]

Befelchs *sub dato* 29. Augusty Anno 1681 (so selbiger Rechnung *fol.* 174 *sub Litt. J. in Originalj* beigelegt) zue dem ansonssten gehabten 1 fl. 30 kr. noch 15 kr., also von ieder Sud 1 fl. 45 kr. genedigist bewilliget, indeme nun anheuer 657 Suden gemacht, als trüfft der Verdienst hieruon lauth Scheins, *datirt* den 14. May Anno 1692

1149 fl. 45 kr.

Alldieweillen sich aber mit Bsclus des Jahrs beyr Abrechnung souil bezaigt, das er vermög seiner von Handten gegebner ~~Schein~~ Abschlag-Schein 1249 fl. 45 kr. in allem, dahero vmb 100 fl. zuuil bezalte Gelter diss Orths zwar *per* Ausgab, dahingegen aber hieuer *fol.* 70 *zr.* vnder der Gemainen Einnamb wider gebihrent *per* Empfang, welche Kueffmaister nachsag hienebenligendten Scheins yber obiges erhebt den

N^o. 79 14. May A^o 1692

100 fl. — —